

Craiova. Studior. Univ. Sagell.

Promotiones Philos. Ordinis

1691.



3614

kat.komo

III.


Mag. St. Dr.

P

Freya 2970.

Kruuk Pauli Ioan: Triumphale eruditae Palladis  
hastiludium in vv.dd. R. Athletis primae  
laureae Candidatis.







TRIVMPHALE  
ERVDITÆ PALLADIS,  
HASTILVDIUM

f N

VV.D.D. IX. ATHLETIS Imæ. LAVREÆ  
CANDIDATIS.

D V M

PERAVGVSTA ARCHI-ATHENÆI CRAC. OLYMPIA  
DECVRRENTES.

P E R

CLARISSIMVM & ADMODVM RDVM. DNVVM,

M. GABRIELEM  
PROFECKI.

Philosoph: Doct: & Profess: Collegam Minorē  
Præpositum Rymanoviensem.

In florentissimâ Illustrum Hospitum Coronâ,  
*Artium & Philosophiæ Baccalaurei, Ritū solenni renūciarētur.*

CORONATVM.

A

PAVLO IOANNE KVVK, eiusdem Laureæ Candidato  
*In vim fraterni cultūs, sonoro Musarum Clafico.*  
In festivum Lucis publicæ Theatrum

DEDVCTVM:

*Anno Coronatæ Naturæ Humanæ* VERBO DIVINO, 1691

*20 Octobris*

CRAC: Typis NICOLAI ALEXANDRI SCHEDEL, S. R. M. Ord: Typ:



In Gentilitium  
WODZICCIANÆ Domûs Insigne

. - Et Cælo fulgebat LVNA Sereno. Horat:

- - - - - Virtute parata.

A S T R A tenes. Stat.



ASTRA Serena, Domus celebris WODZICCIA præfert:

LV MINE quippè suo fulget in Orbe Lechi

Æ M V L A Solis adest, alienæ haud indiga lucis,

Famæ & Virtutis, gaudet honore, suæ.

Ergò dies Nobis accendant bina serenos

STEMMATE quæ fulgent SYDERA, WODZICIO.

3644





PERILLVSTRI & MAGNIFICO DOMINO  
D. LAVRENTIO IOANNI  
DE GRANOWO  
W O D Z I C K I,  
Pocillatori Varsaviensi,  
Vieliccienn Bochnenn Salisfodinarum,  
ADMINISTRATORI GENERALI,  
Domino & Mecænati suo Amplissimo.

**T**riumphale Eruditæ Palladis Hastiludium, post superatam rigidi  
certaminis aciem, non prius suo coronari potuit proemio, quàm  
victrices palmas, Tuis quæreret & reperiret in palmis. Perillustris  
& Magnifice Domine. Assymbola quippè geris victoriæ Nomina,  
quibus Te Natura Laureatum, quia LAVRENTIVM insignivit.  
Nusquam proin melius, Heroa eruditæ mentium virtus, Laurum meruit de-  
cerpere triumphalem, quam Tibi Iure merito debitam præstaret, in cuius potè-  
tibus manibus Nova Metamorphosi, omnia ut in aurum, ita in viridem Lau-  
rum convertuntur: Enim verò eum hic sisto trophæorum apparatus, qui insignia  
quidem spolia cumulavit, verumtamen quæ cruenta immanis Gradiui non  
contaminavit manus. Gloriosus nimirum illud, & gratiosius Tuis, non indignū  
Manibus, victoriarum genus, quod in summâ, almæ pacis, tranquillitate, inno-  
cui animorum, non armorum conflictu paratur, quod inter erudita Literati  
Cæli fulmina, expressum, doctâ fronte, sudorem, in pretiosos distillat uniones,  
quod deniq; inter numerosas gratulantium voces, inter densata tripudiantium  
vota, immortale Nomen æternaturæ transmittit posteritati. In censum igitur  
debitæ venerationis Honori Tuo illud depono tributarium; & meritò, non  
enim aliter generosa, decertantium, in perangustis Literariæ Reipub: Iagellonicæ  
Olympijs, Athletarum triumphare potest Virtus, aut in amplum Lucis Publicæ  
prodire Theatrum, nisi prius eam Inclyti Honoris Tui circumdet amplitudo,  
& Mutuata Gentilitiæ Stellæ Cynthiæq; Tuae illustret Claritudo. Feliciori quip-  
pè eventu, extra dubiam fortunæ aleam, cessit Successitq; certamen, cui Ante-  
signana, ut olim Gygantonomachie præfuit Luna. Æmula Certè Fratris LUNA  
hæc est, quæ Nomina præter, Cetera Solis habens, propitiòs influxus sperare  
iubet. Nam quod Soli proprium est, pari Lumine cunctos illustrare Morta-  
les,



les, etiam hoc à Candida Tua alienum non est LVNA, nimirum: non exorati, claram beneficiorum radijs, exoriri: Porro Augustus Planeta hic non Angustam, quia Regiam Honoris decurrit Viam. Stetit gloriose in Serenissimo D. IOANNIS CASIMIRI Vandalico LEONE, cuius Majestuosum indutus vultum, eundem suis clementissimè conciliavit Syderibus, qui ubiorem Famæ, Honoris & Gloriæ præfere Manipulum. Sed hic non diu constitit LVNA Tua, spatiofa Zodiaci ingreditur Olympia, & à Serenissimo & Inuictissimo IOANNE III Nobis feliciter imperante, Cælesti excipitur ANCILI, de cuius Lumine, eam asecuta est Corusci fulgoris lucem, ut si ultra crescere non posset, Plenilunium fecisse videatur. Plus ultra adhuc currit passu LVNA Citato, donec Nurensem prætergressa Thesaurum, tandem feliciter, in Varfaviensis Pocillaturæ hospitetur Scatione. Crescet & amplius quousq; totum impleverit Orbem, & Tuum.

Nomen, Fama vehet trans æquora, transq; remotas

Tethyos ambages Atlanteosq; recessus.

Quamquam verò, tam Copioso Famæ, Honorum, & Fortunæ splendeas lumine, æquum tamen omnibus præfers animum; nihil enim Fortunæ, omnia Virtuti gerenda committis. Et hæc sunt, quæ Honori Tuo breui compendio impenduntur, parces enim, quod plura exilis non concluderit, pagina, Factorum Magnitudo in culpa est, quæ Doctiorum etiam torquebit ingenia, angustata, vel soli succumbere faciet Augusti Nominis Celsitudini. Quidquid autem infra amplitudinem Honoris Tui est, id Summa Humanitas Tua, eo acceptabit animo, ut Mensuram Nominis Tui assequi non valenti, liceat saltem ex hac Umbra metiri, quantum illud sit, quod Amplissimæ Gratiæ Tuæ debeam. Accipe igitur exiguum hoc, debitæ Observantiæ plenum Tributum, & dum Venerabundus Ingenij Mei ad Te devolvitur partus, nascenti illustrem Cynthiæ & Auroræ Tuæ præfice fulgorem, & nutanti beneficam porrige dexteram, ita Solennis hic Dædæ Palladis Triumphus, quem Amplissimo Tuo sub Honore, in lucem dedi publicam, Gratiarum Tuarum acceptus Sinu efficiet Magnificum Nomen Tuum, tot Athletarum Laureis Coronatum, æternum perennare. Ita Vover.

Perillustri & Magnificæ Dominationis tuæ.

Clientum Minimus,

PAVLVS IOANNES KVVK.

Primæ Laureæ Candidatus.



B. IOANNI CANTIO,  
In Alma Academia Cracoviensi,  
Sacrae Theologiae Doctori & Professori,  
Inclyti Poloniarum Regni  
PATRONO.

*Athletarum Duci magnanimo Votiva Tabella, cum Lem:*

*Te Duce cessit Victoria Nobis.*

**A** Cre Bellonæ, dubijq; Martis,  
Velle certamen superare prorsus  
Absq; Divino Superûm favore, est  
Fervor inanis.

Non truces iras aciemq; duram,  
Nec pharetratos Scythiæ, Gelones,  
Non feras Gentes, gelidamq; Lunam  
Ille triumphat.

Sæpe fatali patuit ruinæ  
Sors, & eventu perijt nefasto,  
Hostium, quandò furor imminebat,  
Pronus in arma:

Si quis ad pugnam benè doctus arma  
Sustinere armis, validaq; dextrâ,  
Impetum hostilem cohibere gnarus  
Defuit illi.

Palladis duram faciem Togatæ,  
Cuius examen rigidum, Coronas  
Gemmeas profert, teneramq; Laurum  
Nemo negavit.

Quàm bono eventu superasse gaudet  
Sola virtutis sapiens potestas,  
Sed tamen Divûm nimiùm potenti  
Nixa favore.



Splendidum Lumen Lechicis in oris,  
Principum vernans decus, & corona,  
Præpotens robur, columeq; Turbæ  
Grande Togatæ.

Dive condignis celebrate nunquam  
Laudibus CANTI; meritis fatemur.  
Gratiam magnis, niveumq; pectus  
Reddimus omnes.

Vicinus duram seriem laborum,  
Hostium robur, varioq; casus,  
Contigit tandem celebrer triumphus  
Te Duce nobis.

Hinc Tuæ cedit meritò Sacratæ  
In decus fronti, capitiq; docto  
In perennem ævo memori Coronam  
Laurus opima.



CLARISSIMIS, EXCELLENTISSIMIS, & ADM: RDIS: DOMINIS:

## EXAMINATORIBVS

CLARISSIMO, ac EXCELLENTISSIMO DOMINO,  
M. ALBERTO WOLSKI.

Philosophiæ Doctori, Collegæ Minori, Ordinario Astro-  
logiæ Professori, & interea Facultatis Philosophicæ

D E C A N O.

CLARISSIMO, & ADMODVM REVERENDO DOMINO,  
M. MARTINO OSLINSKI.

Philosophiæ Doctori, Collegæ Maiori, Tyliciano Elo-  
quentiæ Professori, & ad S. ANNAM Canonico.

CLARISSIMO ac EXCELLENTISSIMO DNO.  
M. ALBERTO TOPINSKI.

Philosophiæ Doctori & Professori, Collegæ Minori,

Hasti.



Hastiludij Triumphalis, dignissimis  
A N T E S I G N A N I S.

*Promeritam Gratitude[m] Apollo personat*

C V M L E M M A T E: Stabit immortalis gloria facti.

**S**l quando rerum, grande negotium,  
*Herò à Virtus cogitat aggredi,*  
*Laudata Maiorum necesse*  
*Acta probet; quoniam Virorum*

*Laus iusta dignam concitat Indolem*

*Magnos ad ausus. Multiadis quia*

*Placent Themistocli Trophæa*

*In similes animatur ausus.*

*Sic nos Togatæ Palladis arduum*

*Certamen lo, iam superavimus,*

*Sed Antesignani potentes*

*Nominibus datur illa Vestris:*

*Si quanta Nobis gloria contigit*

O doctæ W O L S K I, qui moderamina

*Sicæ gubernas, Tu supremis*

*Arte Tuâ dominaris astris.*

*Secreta noscens, doctæ Matheseos,*

*Ad usq[ue] cælos, ingenio volas.*

*Quidni beatâ semper aurâ*

*Ipsè Tibi famuletur æther*

At Te, Togatæ gloria roboris

Et literati, regula prælij

Quod carmen O S L I N S K I perenni

*Laude canam, quia plenus omni*

*Scientiarum munere, maxima*

*Præstas: & ipsis Magnificentiam*

*Tuâ nuper Augustam addidisti*

*Principibus, potiore pennâ.*

Et Te T O P I N S K I, nostra panegyris

Complexa cuius, culta modestia

*Prudensq[ue] candor gloriosè*

*Nos animans peperit triumphos.*



*Te sive svades, svada Demosthenem,  
Probat, resolvis sive profundius  
Arcana, Plato nuncuparis  
Lausq; Tibi sub utroq; crescit.  
Ergo peractis mille laboribus  
Vobis Trophæa & vota reponimus;  
Vestrum perenni laude dignum  
Fama vehet super astra Nomen.  
Diu potentes, in columnen bonis,  
Diu precamur vivite literis  
Vobis ad optatam Coronam,  
Dent meritos superi favores.*

## TRIVMPHALE ERVDITÆ PALLADIS HASTILVDIVM.

In IX. Athletis V. D. imæ. Laureæ Candidatis

C O R O N A T V M.

I. V. & ADMODVM REVERENDO DOMINO.

N A R C I S S O L E Y S Z T E R Ord. Can: Reg:

Conven: Miechoviensis Professo, Athletæ Ceromatico,

CLIO applaudit.

*CVM LEMMATE: Optanda Cruci Victoria crescit.*

**O** Mine, nullus adhuc fausto certavit Amynthas  
Aut de Gradivo, clara trophæa tulit,  
Qui non sub Constantini magni Cruce bellat  
De Campo, Martis Victor abire nequit.  
Straverat Heracliûs Persas, illosq; subegit,  
Sed Crucis in signum, dulce Numisma dedit.  
Et Tu certasti sublimius Inclyte LEYSZTER  
Vidisti veniens, ut Tua facta canat,  
CLIO potens, optanda Cruci victoria crescit.  
Et Ceromaticò nexa Corona datur.  
Est Tibi quod fateor, Sapientia cum pietate  
Non vilis: sacro totus amore cales.  
Divinus Christi q; sequax, Tu sub Cruce Mystes  
Quam fugiunt alij, pectore, victor habes.

Ingenio



Ingenio vegeto penetras Arcana Sophorum  
 Et docti semper Nomen ubiq; geris  
 Eloquij mirum spargis Narcissus odorem,  
 Et comitate Tuâ corda ligare potes.  
 Servat spina Rosas, sed Te Crux bina tuetur:  
 Narcissus debes dignior esse Rosis.  
 Crede sub hoc signo, Tu cuncta peraspera vinctes,  
 Victori dabitur Laurus opima tibi.  
 Viue diu felix, rutilâ decorate Coronâ  
 Ordinis Augusti gloria magna Tui.

II. V. & ADMODVM REVERENDO DOMINO.  
 D. PETRO STANISLAO BRVNO

Ecclesiæ Collegiæ Szamotuliensis Canonico, Athletæ Stadiodromo,  
 Strenuè Olympia decurrenti, Calliope, occurrit,

CVM LEMMATE: Divitijs animosa suis-tendit in ardua virtus.

**F**elix aurifero Gange Superbiat  
 Nonnemo recolens, sole sub Indico  
 Telluremq; Tago dives & aureo  
 Hispanus tumeat suo.  
 Eboracus adest PETRVS eburneus  
 Quem Musæ recitant, BRVNO Canonicus,  
 Felix vrbe suam duxit originem,  
 Cuius Præses Avus fuit  
 Henricus, gravibus jura Quiritibus  
 Dans. Sed ne memorem, grandia Nomina  
 Quod Te non genitum, degenerem suum  
 Verum Prodigium Polo  
 Mirandum Lechico progeneraverint.  
 In Te nam resident, cum sapientiâ  
 Et virtus patiens, culta modestia  
 Tanquam oracula Delphica.  
 Tu Primas retines PETRVS Apollinem,  
 Fundasti sapiens lura Petram super,  
 Gemmam sydeream Te Theologicum.  
 Equor gignit & æstimat.  
 Quis non Angelicam dicat & auctumet,  
 Cui par nec pretium, quam parit Angliâ,  
 Sano ludicio carior omnibus  
 Præstat divitijs suis.



*Vt bellè niteat tendit in ardua  
Virtus, Dux referat laudis adoream  
Postponitq; lubens mille pericula*

*Vt conscendat olympia.*

*Ergò, quem Trevirum, quod decus hæctenus  
Regale ambièrant Helmstadij DEÆ  
Addicta studijs, quando Plagas soli*

*Prosper viserat exteri.*

*Vt Tu Calliope pulchrior emices,  
Cingas emeritum iam diademate,  
Cedat laurifero Laurea vertici*

*Vivat secula Nestoris.*

III. V.D. CASIMIRO FRANCISCO TVATER Crac:

*Athletæ Xystico Talia sonorum edit,*

*CVM LEMMATE: Mirusq; latet sub Nomine candor.*

**C**oncors sacrorum consentit opinio Vatum  
A usonio cerebro, prognatam Pallada doctam.  
S i cunas spectabo Tuas CASIMIRE Tuater  
I ndolis egregiæ specimen frontemq; venustam  
M atrem Te genuisse Deam, fontiq; sciendi  
I mmerfisse reor, nam Te excepere faventes  
R egales Cünæ, Regumq; Parens sapientum  
V t dicam verbo, felicitis limina Craci  
S ervivere Tibi quasi iam virtute polito.  
F ast est ut fatear Ciceronis Te decus ingens  
R ostris esse suis, Musis veramq; Coronam  
A onijs, Stoæq; pium sapientis amorem.  
N emo tamen quærat, quid sit nomen CASIMIRVS,  
C astus nam mirusq; latet sub Nomine candor,  
I ngenijq; patet probitas non vltima Virtus  
S emina virtutum gravium, quæ spargit in omnes,  
C resce proin faustus prægrandi messe repletus,  
V t fructum referas pingvi tellure creatum,  
S pemq; bonam de Te quoq; dulcia gaudia fundas.  
T alis enim fueras in succrescente Iuventâ,  
V t magnum quivis de Te conceperit omen.  
A tq; quibus latè eximium diffundis odorem,  
T antæ virtutis ttribuant Tibi laudis honorem,  
E t niveâ cordis sinceri mente precentur  
R itè coronentur viridi Tua Lilia Lauro.



V. V. D. GEORGIO LONOWSKI, Varfav:

Athletæ Discobolo, Terpsichore assurgit,  
CVM LEMMATE: Ex hoc Diadema labore.

**S** Vdat Alcides celebris perennem  
Antequam latus recinat triumphum:  
Annibal donec Libycus præaltas  
Seandat in Alpes.

Jasonis nunquam Phrygium reportat  
Vellus, aut Regni sapiunt tenaces  
Mala, robusti tulerint potenter  
Si mala nunquam.

Nec Potus praeceps humeris Atlantis  
Incubat, cæli reprobant inertes.  
Sed boni nobis Superi labore  
Omnia vendunt.

Quippe nec fors hæc melior futura est  
Quam sibi cudit Faber & nepoti.  
Fama non venit, nisi pertinaci  
Parta labore.

Grande Musarum decus aviternum  
Et Tibi fulsit Diadema. nisi  
Proprio, Templum reseras Honoris  
Docte LONOWSKI.

Non minor cultus labijs venustas  
Ingenij celsi decor aureusve  
Eloquij Torrens, gravitate sermo  
Currit amarus.

Ergo ne duri gravident labores  
Premium dignus teneas Togatum  
Quod Tibi (felix Diadema prenses)  
Dextra paravit.

VI. V. D. GASIMIRO KUROWSKI,

Athletæ Acrochiristæ Euterpe congaudet,  
CVM LEMMATE: Virtutis præmia Laurus.

**Q** Vid Tibi pro rigido certamine docta Minerva  
Magne Athleta dabit, munera quanta feret.  
Cedant iam violæ candentia lilia cedant,  
Et flores, mentes, qui recreare solent.



Pomifer Autumnus cedat cum fructibus amplis  
 Et latæ segetes, cedat & alma Ceres.  
 Emeritum Caput haud dignè decorare videntur  
 Non hæc Virtutis, præmia iusta manent.  
 Perpetuò viridans præcingat tempora Laurus  
 Hæc Tibi K V R O W S K I munera Musa ferat.  
 Fecisti nitido Tu semper digna corymbo  
 Hinc Te victorem Lauream pulchra decet.  
 Et quia decurris præpes Virtutis olympum,  
 Eveniet credas munere summus honos.  
 Haussisti latices multo de fonte Caballi  
 Eloquiîq; Rosas, ore locutus eras.  
 Vt vigeant in Te studium virtusq; perennis  
 Et castæ mentis cum pietate nitor  
 Ergò cum tantis cumulatus dotibus extes  
 Virtuti cellæ præmia Laurus erunt.

VII. V.D. IOANNI ANTONIO WENTON,

Athletæ Gymnico Erato ludit,

CVM LEMMATE: *Pretium non vile laboris.*

**Q**uisquis Palladij sequax lycei  
 Præmio decoratus ire poscit,  
 Ingentes superet laboris æstus  
 Insudetq; libris merendo doctum  
 Præcingi viridi caput coronâ.  
 Exiles lacerat Colonus agros,  
 Disponitq; glebas secâtq; aratro,  
 Vt fructum Cereris ferat dicatum.  
 Et miles validus serit cruorem  
 Bellonæ riguis calentem in arvis,  
 Vt laudis referat graves maniplos.  
 Et WENTON rigidos tulit labores.  
 Hinc magnum pretium laboris almi,  
 Laurus Lechiacæ datur Minervæ.  
 Et nomen volitat tuum per orbem  
 Durabitq; quoad Polus perennis,  
 Clarum volvet in orbe lucis axem.  
 Victor perpetuo vigebis inter  
 Athletas Sapientiæ Togatos.

VIII.



VIII. V. D. A L B E R T O K A S I O R S K I,

Athletæ Haltico Euterpe occinit.

CVM LEMMATE: Eximiâ Virtute decorus.

**D**ignos adornat Laureâ vertices,  
Apollo Vates pectora fortia  
Exambit, ac Musâ sacrata  
Perpetuo decorat corymbo.  
Arcus & hastas, tutior explicat  
Pallus labores non timet arduos,  
Aspergit hastam, non crure  
Sed celebres geminat triumphos.  
Athleta Magnus Pallados incluta,  
Apparuisti, semper & amulus  
Virtutis excelsa KASIORSKI  
Mente valens celeriq; penna.  
Cedunt diserta Pierides cui  
Docto securâ cum Sapientia  
Scuto sit, hoc artis perennis  
Castalios latices bibendo.  
Immo eloquentem Nectare Tullium  
Præferebas, ac probitas Tua  
Mentiq; favet felixq; vivas  
Dotibus eximiis decorus

IX. V. D. I O A N N I P I N I A Z K I,

Athletæ Pancratiastæ, Polihymnia famulatur,

CVM LEMMATE: Sedulitate triumphat.

**Q**uo Natura Parens, Orbem confecerit orbem,  
Sedula perficit Ars  
Et supplere vices, si quid deliquerit ipsa,  
Docta Magistra potest.  
Prensatos verò Fasces, segnisvè remissa  
Non benè dextra gerit.  
Annibal è Capuâ placida ter victor abisset,  
Continuante manu,  
si certavisset, Palmas, palmisq; refertas  
Accumulaſſet adhuc.  
Sed Tu delictum Musei gratia clari,  
Gloria grata magis,



*Castalidumq; decus nitidum perdocte IOANNES*  
*Pulchra Corona Viris.*  
*Tu strenuè laudis certamina non moritura*  
*Currere ritè soles.*  
*Vilescunt lassæ vires, & mille labores*  
*Pro nihilo reputas,*  
*Vt tantum generosa sedulitate triumphes.*  
*Secula Nestorea*  
*Vive proin felix, & terq; quaterq; beandus*  
*Hoc Tibi STOA vovet.*

IV. V. D. PAVLO IOANNI KVVK,  
 Primæ Laureæ Candidato, Auctori operis  
 Athletæ Pentathlo, in grati pectoris Symbolum.

V. D. PETRVS STANISLAVS BRVNO,  
 Eiusdem Laureæ Candidatus Melpomenen immortale,  
 occinentem nomen offert

CVM LEMMATE: Carmina quam tribuunt fama perennis eris.  
*Ovid: l. Am.*

**T**Empus edax rerum septem miracula mundi  
 Dentibus absumpsit, dissecuitq; suis.  
 Destruxit totum, quidquid celebranda vetustas  
 Præclarum fecit magnificumq; dedit.  
 Deterit umbras sylvas annosa senectus,  
 In cineres ævo, faucia Cedrus abit.  
 Pyramides cecidêre, Rhodus, Famosa Dianæ,  
 Gadibus Herculeis, fixa trophæa ruunt.  
 Mausoli tristem duxerunt marmora labem  
 Culta sepulchra jacent, suntq; sepulta sibi:  
 Unica, Mortalis, res audit nescia sæcli  
 Et fugit accensos, inviolata rogos.  
 Non cadit occidua per iter declive senctæ,  
 Sed duraturæ, munera laudis habet.  
 Fama tenet summum, nimirum culmen honoris,  
 Et primas partes, vendicat ipsa sibi.  
 Hac pro certasti, sudato Athleta labore  
 Pentathlus Victor, PAVLE canende mihi.

Hanc



Hanc meruit recinens celebris monumenta Triumph  
Palladis Ausonia, docta Camæna Tua.  
Tu flos Pieridum, Tu summi gloria Pindi,  
Et communis amor, delictumq; Lyræ.  
Te vehit eloquio, Ciceronis fama perenni  
Dulcisonumq; Tuo, nectar ab ore fluit.  
Ingenij præstans semper Stoa, laudat acumen,  
Dum solvis nodos, quos Peripatus habet.  
Ambiat ergo Caput, decus immortale corona,  
Tempora præcingens Laurus opima Tibi.  
Vive precor sospes, longævi Nestoris annos  
Omnia dumq; ruunt claro sub sole creata,  
Carmina, quam tribuunt fama perennis erit.

Sub felicissimis Auspicijs,

*Magnifici, Perillustris, & Reuerendissimi Domini.*

D. M. FRANCISCI PRZEWOSKI.  
Sacrae Theologiæ Doctoris, & Professoris, Ec-  
clesiarum Collegiatarum SS. Omnium Præpositi, ad S.  
Florianum Canonici, Curelouiensis Scholastici, Con-  
tubernij Hierosolymitani Provisoris, per Diæcesim  
Crac: Ord: Librorum Censoris, Almæ Vniversi-  
tatis Crac: Generalis, & Vigilantissimi,

RECTORIS.





Hanc meritis rebus celestis monumenta triumphis  
Tibi, o Felix, dedit, docta Camena, Tui.  
Te nos triumphum, Tuumque gloria Fidis,  
Et communis amor, delictumque, I. Viri.  
Te velis claudis, Ceteris tanta perenni  
Dulcedine, Tui, necesse est, uti. Tui.  
Ingeni, quibus semper, dicit, laus, acumen,  
Dum solvis nos, quos, semper, habet, Tui.  
Ambiat ergo Caput, decus, immortale, corona,  
Tempus, a praesentibus, laus, et, Tui.  
Vive, precor, longae, laus, et, Tui.  
Omnia, dandi, laus, et, Tui.  
Carmina, quam, tribuit, laus, et, Tui.

Sub felicissima Auspicio, Tui.

McGuffey, Perseus, & Rerum, Tui.  
D. M. FRANCISCI PRZEWOSKI  
Sacer Theologiae Doctoris, & Professoris, Ec-  
clesiarum Collegiarum, & Omnium, Tui.  
Florantium, Canonici, Curatoris, Scholasticus, Con-  
sultus, Hic, &, Tui.  
Graec. Orb. Librorum, Tui.  
Tui, Graec. Generalis, &, Tui.

RECTORIS.



71.11.15



Biblioteka Jagiellońska



stdr0014474



